

Agape Maandiko - God's Love Letter Scriptures

Yohana 15:9 Mimi nimewapenda ninyi kama vile Baba alivyonipenda mimi. Kaeni katika pendo langu.

Isaya 43:1 Lakini sasa, Bwana aliyekuhuluku, Ee Yakobo, yeye aliyekuumba, Ee Israeli, asema hivi, Usiogope, maana nimekukomboa; nimekuita kwa jina lako, wewe u wangu.

Yeremia 1:5 Kabla sijakumba katika tumbo nalikujuua, na kabla hujatoka tumboni, nalikutakasa; nimekuweka kuwa nabii wa mataifa.

Yohana 15:16 Ninyi hamkunichagua mimi; mimi niliwachagueni na kuwatuma mwende mkazae matunda, matunda yadumuyo, naye Baba apate kuwapa ninyi chochote mumwombacho kwa jina langu.

3 Yohana 1:2 Mpenzi wangu, nakutakia mafanikio mema ya kila aina; nakutakia afya njema ya mwili kama ulivyo nayo rohoni.

Isaya 43:4 Kwa kuwa ulikuwa wa thamani machoni pangu, na mwenye kuheshimiwa, nami nimekupenda; kwa sababu hiyo nitatoa watu kwa ajili yako; na kabilia za watu kwa ajili ya maisha yako.

Yeremia 31:3 Bwana alinitokea zamani, akisema, Naam nimekupenda kwa upendo wa milele, ndiyo maana nimekuvuta kwa fadhili zangu.

Hosea 11:8 Niwezeje kukuacha, Efraimu? Niwezeje kukuponya, Israeli? Niwezeje kukufanya kama Adma? Niwezeje kukuweka kama Seboimu ? Moyo wangu umegeuka ndani yangu, huruma zangu zimewaka pamoja.

Yohana 3:16 Maana Mungu aliupenda ulimwengu hivi hata akamtoa Mwana wake wa pekee, ili kila amwaminiye asipotee, bali awe na uzima wa milele.

Isaya 49:15,16 Je! Mwanamke aweza kumsahau mtoto wake anyonyaye, hata asimhurumie mwana wa tumbo lake? Naam, hawa waweza kusahau, lakini mimi sitakusahau wewe. 16 Tazama, nimekuchora katika vitanga vyta mikono yangu; kuta zako ziko mbele zangu daima.

Isaya 41:13 Kwa maana mimi, Bwana, Mungu wako, nitakushika mkono wako wa kuume, nikikuambia, Usiogope; mimi

nitakusaidia.

**Matayo 28:20 Wafundisheni kushika maagizo yote niliyowapeni.
Nami nipo pamoja nanyi siku zote; naam, mpaka mwisho wa nyakati."**

**Yohana 14:1 Yesu aliwaambia, "Msifadhaike miyoni mwenu.
Mwaminini Mungu, niaminini na mimi pia.**

**Isaya 41:14 Usiogope, Yakobo uliye mdudu, nanyi watu wa Israeli;
mimi nitakusaidia, asema Bwana, na mkombozi wako ni Mtakatifu wa Israeli.**

Isaya 43:2 Upitapo katika maji mengi nitakuwa pamoja nawe; na katika mito, haitakugharikisha; uendapo katika moto, hutateketea; wala mwali wa moto hautakuunguza.

Zaburi 23:1-6 Bwana ndiye mchungaji wangu, Sitapungukiwa na kitu. 2 Katika malisho ya majani mabichi hunilaza, Kando ya maji ya utulivu huniongoza. 3 Hunihuisha nafsi yangu; na kuniongoza Katika njia za haki kwa ajili ya jina lake. 4 Naam, nijapopita kati ya bonde la uvuli wa mauti, Sitaogopa mabaya; Kwa maana Wewe upo pamoja nami, Gongo lako na fimbo yako vyanifariji. 5 Waandaa meza mbele yangu, Machoni pa watesi wangu. Umenipaka mafuta kichwani pangu, Na kikombe changu kinafurika. 6 Hakika wema na fadhili zitanifuata Siku zote za maisha yangu; Nami nitakaa nyumbani mwa Bwana milele.

**Yohana 14:27 "Nawaachieni amani; nawapeni amani yangu.
Siwapi ninyi kama vile ulimwengu ufanyavyo. Msiwe na wasiwasi, wala msifadhaike.**

Wafilipi 4:7 Nay o amani ya Mungu ipitayo akili zote za watu italinda salama mioyo na akili zenu katika kuungana na Kristo Yesu.

Mithali 3:24 Ulalapo hutaona hofu; Naam, utalala na usingizi wako utakuwa mtamu.

Zaburi 4:8 Ndege wa angani, na samaki wa baharini; Na kila kipitacho njia za baharini.

**Zaburi 33:18 Tazama, jicho la Bwana li kwao wamchao,
Wazingojeao fadhili zake.**

Warumi 5:2 Kwa imani yetu, ye ye ametuleta katika hali hii ya neema ya Mungu ambamo sasa tunaishi. Basi, tunajivunia tumaini tulilo nalo la kushiriki utukufu wa Mungu.

**Isaya 55:12 Maana mtagoto kwa furaha, Mtaongozwa kwa amani;
Mbele yenu milima na vilima vitatoa nyimbo; Na miti yote ya
kondeni itapiga makofi.**

**Yohana 16:22 Ninyi pia mna huzuni sasa; Iakini nitawajieni tena,
nanyi mtajaa furaha moyoni mwenu, na furaha hiyo hakuna
mtu atakayeiondoa kwenu.**

**Luka 12:9 Lakini, mtu ye yote anayenikana mbele ya watu, naye
atakanwa mbele ya malaika wa Mungu.**

**Matayo 10:30 Lakini kwa upande wenu, hata nywele za vichwa
vyenu zimehesabiwa zote.**

**Isaya 54:10 Maana milima itaondoka, na vilima vitaondolewa; bali
wema wangu hautaondoka kwako, wala agano langu la amani
halitaondolewa; asema Bwana akurehemuye.**

**Matayo 11:28 Njoni kwangu ninyi nyote msumbukao na kulemewa
na mizigo, nami nitawapumzisha.**

**Wimbo Ulio Bora 2:10 Mpandwa wangu alinena, akaniambia,
Ondoka, mpenzi wangu, mzuri wangu, uje zako,**

**Hosea 2:14,19,20 Kwa hiyo angalia, mimi nitamshawishi, na
kumleta nyikani, na kusema naye maneno ya kumtuliza moyo.
19 Nami nitakuposa uwe wangu kwa milele; naam, nitakuposa
kwa haki, na kwa hukumu, na kwa ufadhili, na kwa rehema. 20
Nami nitakuposa kwa uaminifu; nawe utamjua Bwana.**

Kutoka 3:14 Mungu akamwambia Musa, **MIMI NIKO AMBAYE
NIKO; akasema, Ndivyo utakavyowaambia wana wa Israeli;
MIMI NIKO amenituma kwenu.**

**Hosea 13:4 Lakini mimi ni Bwana, Mungu wako tangu nchi ya
Misri; wala hutamjua mungu mwingine ila mimi; wala zaidi ya
mimi hakuna Mwokozi.**

Yohana 15:14 Ninyi ni rafiki zangu mkifanya ninayowaamuru.

**Pastor T. John Franklin
Church of Salvation, Healing, and Deliverance
COS-HAD.org**